

國語翼解

國語翼解卷三

嘉定陳瑑撰

魯語

小賜不咸 解咸徧也

莊子知北遊周徧咸三者異名同實其指一也

丹桓宮之楹而刻其桷 解楹柱也唐云桷榱頭也昭謂桷一

名榱

瑑案說文柱楹也楹柱也轉相爲訓桷榱也榱方曰桷榱榱也榱秦名爲屋椽周謂之榱齊魯謂之桷蓋榱桷之名方俗語各異故韋云一名又以今北土所云足成之邵學士曰釋名桷桷也其形細而疏桷也或謂之椽椽傳也相傳次而布

列也或謂之榱在椽旁下列衰衰然垂也舊疏引沈旋

珠案旋約

之子集注云齊魯名榱周人名榱本於說文也漸六四云或得

其榱虞翻云榱椽也方者謂之榱又穀梁刻桓宮榱釋文云方曰榱圓曰椽是榱與椽有方圓之異總名爲榱耳椽又案唐說本孟子榱題數尺題頭聲相近

吾屬欲美之 解屬適也

案屬之訓適蓋讀屬如祇也經傳祇訓適从示或从禾廣韻从衣祇屬一聲之轉論語多見其不知量也何晏曰適足自見其不知量蓋亦祇多聲相近而訓多爲適卽讀如祇矣廣雅祇適也王侍御引詩亦祇以異傳祇適也以證之祇从示

音支

國有饑饉卿出告糴古之制也辰也倘卿辰請如齊

左氏莊二十八年傳云冬饑臧孫辰告糴于齊禮也惠徵士曰凡稱禮皆周制也周書糴匡篇年儉穀不足君親巡方卿參告糴故外傳臧文仲曰卿出告糴古之制也

文仲以鬯圭 解鬯圭裸鬯之圭長尺二寸有瓚

案鬯說文作瑒圭尺二寸有瓚以祠宗廟者也从玉易聲錢

詹事曰瑒卽裸圭尺有二寸之裸句見攷工記春官典瑞裸圭有瓚禮經無鬯圭錢蓋

謂裸圭卽鬯圭瑒卽鬯圭之鬯其云卽裸圭之裸者一時涉筆之誤攷工記裸圭尺有二寸有

瓚以祀廟注裸之言灌也裸謂始獻酌奠也瓚如盤其柄用

圭有流前注戴吉士曰瓚勺也瓠又案裸或作裸或作果古

亂反瑒與鬯文異義同禠與灌文異音同

天災流行戾于弊邑 解戾至也

詩大雅鳶飛戾天禮祭義風戾以食之傳注俱以戾至爲義然此經當以罪戾爲義下獲戾解曰戾罪也

饑饉荐降 解荐重也降下也

爾雅釋天仍饑爲荐大雅雲漢饑饉荐臻傳荐重也釋言荐再也小爾雅荐重也廣韻荐仍也義皆相因降下也亦爾雅釋言文邵學士曰穀梁莊三十一年傳云降猶下也堯典云釐降二女于滹沱史記作飭下二女于滹沱

民羸幾卒 解羸病也幾近也卒盡也

說文羸瘦也徐鉉謂羊王給膳以瘦爲病故从羊又云羸

產染病也幾近也爾雅釋詁文邵學士據左襄二十一年
楚不及十年文以爲義卒盡也亦見釋詁邵云鄉射禮卒節
與是其義也瑑案釋言又云卒既也穀梁桓三年傳云既者
盡也廣雅釋詁既盡也

以紆執事 解紆緩也

小雅彼交匪紆傳紆緩也左氏成二年傳云以紆其難說文
紆緩也爾雅釋言舒緩也舒紆古通用

展禽使乙喜 解乙喜魯大夫

漢碑有魯相乙瑛疑是乙喜之後

室如懸磬 解懸磬言魯府藏空虛如懸磬也

解爾磬字
一从缶

左氏僖二十六年傳作磬釋文云磬亦作磬盡也瑑案磬磬

同聲通用釋名磬磬也其聲磬磬然蓋卽論語之硜硜也磬之古文爲磬故从瓦之字亦通說文磬器中空也詩曰鉡之磬矣窻空也詩曰瓶之窻矣蓋許所見詩作磬又作窻也玉篇窻之重文爲磬

質之以犧牲 解質信也

廣韻質信也小爾雅同又漢書張釋之傳具以質言注質誠也誠與信義相近瑑案周禮之質劑春秋傳之質子大夫皆取質信之義

其亦使聽從而釋之 解釋置也

說文捨釋也廣韻釋捨也釋捨一聲之轉故以捨置之義爲解經典捨俱省作舍

使盃鴆之 解鴆鳥也一名運日其羽有毒漬之酒而飲之立死

說文鴆毒鳥也一名運日淮南繆稱訓暉日知晏高誘注暉日鴆鳥也山海經中山經女几之山其鳥多鴆廣韻引廣志云鴆鳥大如鸚紫綠色有毒頸長七八寸食蛇蝮雄名運日雌名陰諸廣雅釋鳥鴆鳥其雄謂之運日其雌謂之陰諸王氏曰徧攷諸書言鴆鳥別名運日多矣不以雌雄異名也史記集解引左傳服虔注王逸離騷注皆云運日劉逵吳都賦注作雲日御覽引吳普本草運日耳非謂其雄也作暉者運之同聲也作鴆作雲皆音同相假

其次用鑽笮

解鑽贖刑也笮駮刑也

案贖刑之別當是刑字之譌

漢書刑法志作鑕鑿注鑕贖刑也師古曰鑕鑕去贖骨也鑿
贖刑也案鑿字異音同廣韻十九鐸二文連屬並讀在各
切鑿爲正文箠爲假借

行玉二十鼓 解雙玉曰鼓

說文本作珽云二玉相合也重文爲鼓

晉文公解曹地以分諸侯 解解削也

說文解判也判分也玉篇判分散也廣雅解散也韋以解削
爲義蓋用王制不敬者君削以地周官大司馬野荒民散則
削之之義所以著曹之罪晉之伯也下云解有罪之地以分
諸侯是也

故解有罪之地以分諸侯 解有罪謂不禮文公觀餅脅也

左僖二十三年傳云聞其駢脅惠微士云說文作駢脅云并脅也从骨并聲論衡作化脇先大夫曰陸德明釋文駢脅下引說文駢脅并也蓋陸所見左傳本从骨作駢故據說文釋之作馬旁者後人因今本左傳以改釋文耳瑑案今明道本國語韋解駢亦从骨陳說致確

惡有釁 解釁兆也

經傳凡言有釁者如左氏傳讐有釁史記李斯傳成大功者在囚城釁而遂忍之皆取釁隙之義案釁隙者釁起之隙也如樂記車甲解而藏之武庫解釁同則韋以兆訓釁者蓋取釁龜之義周官龜兆說文兆灼龜兆也遂借以爲朕兆之兆龜之當釁恐其兆之不食墨耳然則釁龜者釁兆也故韋

以爲爲兆

海鳥曰爰居 解爰居雜縣也

爰居雜縣見爾雅釋鳥郭注國語曰海鳥爰居漢元帝時琅
琊有大鳥如馬駒時人謂之爰居釋文引李巡云爰居海鳥
也樊光曰似鳳皇急就謂之燦風又莊子至樂篇有海鳥至
於魯郊魯侯御而觴之於廟云云邵學士曰因魯祭爰居而
相傳爲此說也釋文引司馬彪云爰居舉頭高八尺案玉篇
作鷄鷓廣韻作鷄居非

越哉臧孫之爲政也 解越迂也

史記孟軻傳迂遠而闊于事情案迂闊卽迂越也禮運越席
疏布春秋傳大路越席皆讀越爲闊越闊韻字

夫祀國之大節也 一節

案此經文義與小戴記祭法篇略有異同戴吉士曰國語禘郊宗祖報五者禘郊與宗祖之名異有虞氏郊禘殷人禘魯魯在禘未可知也虞舍其先世而宗堯是亂宗屬矣非也使魯爲周家祖之所自出何雅頌中言姜嫄言后稷竟無一語上溯及魯且姜嫄有廟而魯無廟若曰履跡感生不得屬之魯則魯明明非其祖之所自出曾謂王者事祖禘之大事而可蒙昧其閒乎

使書以爲三策 解策簡書也三策三卿卿一通也謂司徒司馬司空也

案策策冊三字通用王制太史典禮執簡記鄭注簡記策書

也孔沖遠左傳正義云簡札牒畢同物而異名單執一札謂之簡連編諸簡謂之策蔡邕謂簡古制長尺四寸漢制尺短者半之此經不以單札連編及尺寸言小雅出車畏此簡書傳云簡書戒命也此韋義所本也又案魯之命卿春秋於莊元年書單伯左氏以爲周大夫公羊以爲吾大夫之命於天子者自東門氏臧氏失官三卿爲三家世職故杜洩謂季孫曰吾子爲司徒叔孫爲司馬孟孫爲司空

文公欲弛孟文子之宅 解弛毀也宅有司所居也

史記河渠書延道弛兮離常流注河道皆弛毀爾雅釋言居宅也堯宅嵎夷史記作居嵎夷瑑案所居之位皆曰宅尚書使宅百揆是也朝廷治事處曰官玉藻在官言官是也則官

如今之衙署宅則有職事之臣世居之室故曰有司所居左
傳齊景公欲更晏子之宅

嘗禘蒸享之所致君胙者有數矣 解秋祭曰嘗夏祭曰禘
祭曰蒸春祭曰享享獻物也

爾雅釋天春祭曰祠夏祭曰禘秋祭曰嘗冬祭曰蒸周官大
宗伯曰以祠春享先王以禘夏享先王以嘗秋享先王以蒸
冬享先王春秋繁露四祭篇云四祭者春日祠夏日禘秋曰
嘗冬日蒸是諸書皆以春祠夏禘秋嘗冬蒸爲四祭詩曰禘
祠烝嘗是也今日夏祭曰禘者本王制天子諸侯宗廟之祭
春日禘夏日禘秋曰嘗冬日蒸之文也鄭注云此蓋夏殷之
祭名周則改之春日祠夏日禘祭義注云周以禘爲殷祭更

名春日祠詩天保疏云周公去夏禘之名以春禴當之更名春祠蓋祠禴蒸嘗之名周公制禮所改也其曰春祭曰享者於古無徵據案四祭皆曰享周官以祠以禴以嘗以蒸皆曰享可證章意亦不定以享爲春祭之名因經文嘗禘蒸享連文而順秋嘗夏禘冬蒸之文以爲言曰春祭曰享耳故於嘗禘蒸無說而於享特著享獻物也句以申明其意又案解曰賈唐二君云臣祭致肉於君謂之致胙昭謂此私祭而致肉非所宜以爲辭也致君之胙者謂君祭祀賜胙臣下掌致之也此經非釋祭也故章不及辨別殷祭周祭而本王制以解之既本王制則天子諸侯宗廟之祭句有明文致胙爲君祭非私祭明矣

珠曰說文祠春祭日祠品物少多文詞也以文詞爲義則名春祭爲祠以品物爲義則名春祭

爲享故韋氏特著享獻物也四
字疑古者春祭曰禴又曰享也

蒸將躋僖公 解躋升也賈侍中云蒸進也謂夏父弗忌進言
於公將升僖公於閔公上也唐尚書云蒸祭也昭謂此魯文公
三年喪畢禘祭先君於太廟升羣廟之主序昭穆之時也經曰
八月丁卯大事于太廟躋僖公是也僖閔之兄繼閔而立凡祭
祀秋曰嘗冬曰蒸此八月而言蒸用蒸禮也凡四時之祭蒸爲
備傳曰大事者禘祭也毀廟之主陳於太祖未毀廟之主皆升
合食於太祖躋僖公逆祀也逆祀者先禴而後祖也

惠徵士云古文左氏說曰躋登也登僖公於愨公上逆祀也
案登升同義說文拊之重文爲橙瑑案韋氏不用賈氏依左
氏及公羊爲義蓋周制三年喪畢禘祭之後乃禘於太祖亦

謂之吉禘春秋閏二年吉禘於莊公是也禮記疏引禘禘志云春秋僖二十三年十二月薨文公二年八月丁卯大享于太廟公羊傳云大享者何禘也是三年喪畢新君二年當禘明年春禘於羣廟僖公宣公八年皆有禘則後禘去前禘五年以此定之則新君二年禘三年禘閏以二年吉禘故左氏曰速也自爾之後五年而再殷祭公羊文二年傳何休云殷盛也謂三年禘五年禘又公羊大事者何大禘也大禘者何合祭也毀廟之主陳於太祖未毀廟之主皆升合食於太祖其在左氏古文家說大事於太廟之義則曰太廟周公之廟禮饗有禮義者也祀國之大事也惡其亂國之大事於太廟故言大事也韋又言四時之祭蒸爲備者太平御覽引白虎通

云烝之爲言眾也冬之物成者眾何休云冬薦尚稻雁蒸眾也氣盛貌冬萬物畢成所薦眾多芬芳備具故曰烝是則魯極備物以行禘祭也躋者何升也逆祀者何先禰而後祖也皆公羊文二年傳文也

其天札也

左昭二年傳云民不天札故韋以唐未名曰天之義爲失之既其葬也

案既暨同音此處既義當爲暨及也說文既小食也讀爲餼暨作泉經傳俱作既如字暨

焚煙徹于上 解徹達也

說文徹通也廣韻徹通也達也又左傳徹七札焉注發達七

札也

古者大寒降土蟄發 解寒氣初下謂季冬建丑之月大寒之後也土蟄發謂孟春建寅之月蟄始震也

漢書天文志元枵中危初大寒終于危十五度諏訾中營室十四度驚蟄終於奎四度錢詹事曰古以啟蟄爲正月中雨水爲二月中節夏小正正月啟蟄春秋傳啟蟄而郊杜云夏正建寅之月祀天南郊攷工記凡冒鼓必以啟蟄之日鄭云啟蟄孟春之中也月令孟春之月蟄蟲始振仲春之月始雨水皆其證也孝經緯立春十五日爲雨水十五日爲驚蟄緯書出于東漢則先雨水後驚蟄亦其時所改矣今此經及解俱以啟蟄爲正月中也

漢志注稱驚蟄今日雨水雨水今日驚蟄者乃東漢所改班氏紀之於史

於是乎講罟罟 解講習也罟漁網罟筍也

爾雅釋器魚罟謂之罟郭注最大罟也說文罟魚罟釋器又云罟婦之筍謂之罟郭注毛詩傳曰罟曲梁也說文罟曲梁寡婦之筍魚所罟重文爲罟春秋國語曰溝罟罟案章以習訓講易曰君子以朋友講習左氏隱五年傳曰春蒐夏苗秋獮冬狩皆於農隙以講事也是其義也王侍御曰講讀爲構小雅四月箋曰構猶合集也史記項羽紀業已講解漢書作媯韓世家將西購於秦刺客傳北購於單于韓策燕策竝作講甘茂傳樛里子與魏講罷兵索隱鄒氏講讀爲媯韓非內儲說曰寡人欲割河東而講又因請爲魏王構之構魏策今

我講難於秦卽構難左僖十五年傳注構虛而不經釋文構作講皆其證也據此則說文作溝者疑是構之誤

取名魚登川禽 解名魚大魚也川禽鼈蜃之屬

案魚種善變論衡無刑篇云水潦降不獻魚鼈蓋雨水暴下蟲虵化爲魚鼈離本眞暫變之蟲臣子謹慎不敢獻故爾釋魚一篇於小大之異名晰而別其種類之異韋以大魚爲義者謂魚之大者可以辨名乃鮓嘗之寢廟也又爾雅釋魚二足而羽謂之禽四足而毛謂之獸邵學士通而爲說烏云名獸獸可名禽引據韋氏此注是水族亦乃禽也珠案鄭成周禮注云凡鳥獸未孕曰禽此經下文云鳥獸孕水蟲蟲獸虞於是乎禁罝羅則登川禽者登其未孕者也韋以鼈蜃

爲義者言其登取以時也周官禮春獻鼈蜃是也

犒魚鼈以爲夏犒

解犒乾也

今本經及解俱作犒

案犒當爲犒其作犒者錢詹事謂軍師共犒牛以師枯犒饋之餉本从木後人因犒牛字妄改爲牛旁張謙中以犒犒說本玉篇然不足信羣云犒乾者曲禮彙魚曰商祭一乾也是也王制所謂乾豆也

於是禁罝罟罾設罝鄂

解罟小網也罝陷也鄂柞格所以

獸也

解罝當作罝疑罝之誤今本經文無罝字

說文罝罟罾魚罟也罟罟罟也疑罟可單稱罟必連罟爲名故韋止爲罟義阱陷也亦見說文重文爲罝中庸罟獲陷阱正義獲謂柞罟也莊子肱篋篇削格羅落罝罟之知多則獸

亂于澤左思吳都賦峭格周施案格鄂一聲之轉

山不槎葉 解槎斫也以株生日葉

說文槎衰斫也櫛伐木餘也商書曰若顛木之有鬯櫛重文

爲葉又爲不

說文於槎下引春秋傳曰山木不槎宋本說文無木字稼曰春秋三傳無此文此必引國語山

不槎葉葉古文作不故譌爲木又倒字耳

魚禁鯤鮪 解鯤魚子也鮪未成魚也

爾雅釋魚鯤魚子郭注凡魚之子總名鯤案古者音鯤鮪聲

近義同齊風其魚魴鰈鄭箋鰈魚子也又內則卵醬實蓼注

卵讀爲鯤鯤魚子或作欄也

蟲舍蚺蜎 解蚺蟻子也可以爲醢蜎蝠陶也可以食

說文蚺蜎子也周禮有蚺醢讀若祁爾雅釋蟲蜎蝮陶郭注

蝗子未有翅者外傳曰盡舍蚘蟻說文蝮復陶也劉歆說蟻
蚘蟻子漢書五行志以劉歆說爲蚘蟻之有翼者食穀爲災孔穎達曰劉說非也又祭統陸產之
醢鄭注云蚘蟻之屬故韋以爲可食

又行罍罍

罍疑罍之誤今本作網罍

子叔聲伯如晉 解郤犛之妻聲伯之外妹也

聲伯之母出而嫁齊之管子奚生一男一女聲伯以外妹嫁
施孝叔又奪以與郤犛事見左氏成十一年傳

夫君人者其威大矣

案此以聲見義也古音君威同聲說文著从艸君聲讀若威
又稱漢律婦告威姑蓋卽爾雅所謂君姑也

馬籩不過稂莠 解籩秣也稂童稂也莠草似稷無實也

說文餘食馬穀也經傳俱作秣爾雅釋草稂童梁郭注稂莠類也說文節禾粟之采生而不成者謂之童節或作稂曹風浸彼苞稂傳亦云童梁疏引陸璣疏云禾秀爲穗而不成則崑然謂之童梁珠案梁稂一聲之轉說文又云莠者禾粟下揚生莠又詩疏引鄭志韋曜卽宏問云甫田維莠今何草荅曰今之狗尾也邵學士曰狗尾草所在有之狀誠似稷而不

稂與莠俱無實而其稗內俱有米皮今南方用以飼鶩又以飼馬魯語所謂馬籩不過稂莠也

今俗籩詠歌及鹿鳴之三

戴吉士曰凡樂器吹者近堂擊者遠堂竽笙塤箎簫篴管倚
於堂吹者執之以吹位當在階前周禮大師帥瞽登歌令奏
擊拊形如小鼓以韋爲之充之以糠下管播樂器令奏鼓鞀小師登歌擊拊
下管擊應鼓蓋自擊拊之後瞽乃歌故曰令奏鼓鞀奏謂吹
管也今云伶簫詠歌及鹿鳴之三疑合歌詩奏管爲一事故
韋亦云樂人以簫作此三篇之聲與歌者相應也

諷謀度詢必咨於周敢不拜教

詢度咨周謀也見爾雅釋詁郭注國語曰詢於人處咨於二
虢度於閔天謀於南宮諷於蔡原餘皆見詩邵學士曰左氏
襄四年傳說此皇華之詩毛公作傳悉本以爲義郭氏不引
詩而引國語者欲見詢度咨周之義經傳皆同不獨毛詩爲

然也今韋氏於此經本左傳爲義而於晉語則本爾雅爲義
不稱爾雅亦以其義之無不同也

忠信爲周

商書太甲自周有終傳云周忠信有終也論語君子周而不

比鄭曰忠信爲周阿黨爲比

左傳正義引作孔曰

夫苦匏不材於人共濟而已
解不裁於人不可食也共濟而已
已佩匏可以渡水也

何晏論語集解曰匏瓜得繫一處者不食故也吾自食物當
東西南北不得如不食之物繫滯一處錢詹事曰詳其文義
蓋謂匏瓜不可食故得繫於一處春秋外傳叔嚮稱苦匏不
材於人共濟而已是也瓠甘匏苦瓠可食
瓠菜小雅稱瓠
葉采之亨之匏

不可食

環案詩疏引陸機鮑菜少時可食又
可淹煮至八月葉即苦是鮑亦可食也

故叔嚮以

爲不材然以匏爲笙備八音之一詩稱酌之用匏則匏又爲
飲器不獨中流失船有千金之利也

魯人以莒人先濟

解能東西之曰以

左氏僖二十六年傳曰能左右之曰以案東西猶左右也前
後以南北言左右以東西言記曰前朱雀而後玄武左青龍
而右白虎

追而與之璽書

解璽印也古者大夫之印亦稱璽

說文璽王者印也玉篇璽天子諸侯印也左襄二十九年傳
亦記此事孔疏謂此諸侯大夫印稱璽也案蔡邕獨斷曰皇
帝六璽後漢書輿服志璽皆玉螭虎紐文曰皇帝行璽皇帝

之璽皇帝信璽天子之璽天子信璽是秦漢以後惟至尊稱璽故韋曰古者

子之隸也 解隸役也

儀禮既夕隸人溷廁鄭注隸人罪人也今之徒役作者也晉語其猶隸農也彼注云隸今之徒也

有執戈之前吾惑之

易曰故惑之或之者疑之也

殺邾敖而代之

楚人謂未成君者爲敖左氏莊十四年傳云生堵敖昭元年傳云葬王於邾謂之邾敖卽此經事十三年傳云葬于敖於

些言其言敖

以會大事 解大事盟也

左氏傳曰國之大事在祀與戎會盟必有司徒故云盟

日中不出 解日中早至日中也

詩簡兮云日之方中日知錄云左氏傳卜楚邱曰日之數十
故有十時而杜元凱注則以爲十二時雖不立十二支之目

然其曰日中者午也

自夜半子至入
定亥茲不贅

攷之史記天官書曰日

至食食至日昃日昃至舖舖至下舖下舖至入日素問藏氣

法時論有日夜半日平旦日日出日中日中日昃日下舖瑑

案左氏傳言日中如宣公十二年傳云右廣初駕數及日中

左則受之以至於昏曰初駕

謂雞
鳴也

曰日中日昏是三分日而

日中爲中也是猶禮文王世子篇云雞初鳴及日中及莫亦

一日三分而以日中爲中也

夫棟折而榱崩吾懼壓焉 解壓筓也

說文筓迫也在瓦之下筓上韋氏意蓋言棟折榱崩吾懼爲
瓦下筓上之筓耳故以筓訓壓 璩案檀弓云梁木其壞乎說
文壓壞也連文次壞字云敗也亦一義也又字書訓筓爲狹
狹壓同音故歷訓筓

信抑闕矣 解闕缺也

闕缺以同音爲義說文缺器破也玉篇缺虧也少也廣韻缺
器破禮曾子問入自闕注闕謂毀宗也禮運三五而闕注一
盈一闕屈伸之義也義皆相因

踣跂畢行 解踣跂躒蹇也

說文踦一足也方言踦奇也梁楚之間凡仝物而體不具
之踦雍梁之西郊凡器支體不具者謂之踦踦說文足多指
也漢書禮樂志跂行蹠逮注凡有足而行者稱跂行也跂與
蚊同淮南原道訓云跂行喙息韋以爲跂蹇者廣雅釋詁跂
蹇也王侍御云跂之言傾欹也引此經并韋解作跂蹇謂卽
書大傳之其跳書大傳云禹其跳鄭注其發聲也跂步足不
能相過也王云其蹇古字通穀梁傳所云兩足不能相過齊
謂之蹇也瑑案禮器有司跛倚以臨祭說文跛蹇也廣雅屐
與跂連文又玉篇音跂有居綺邱奇二切則跂跂音亦相近
倚止晏菜焉 解從後曰倚

案倚與上文踦同爲傾欹之義廣韻倚牽一脚也左氏襄十

四年傳云譬如捕鹿晉人角之諸戎犄之爾雅云牛角一俯一仰觝義並相近故云從後

木石之怪曰夔蝮蝮 解木石謂山也或云夔一足越人謂之山纏音騷或作猱富陽有之火面猴身能言或云獨足蝮蝮山精倣人聲而迷惑人也

說文夔神魑也如龍一足从夂象有角手人面之形又神異經西方深山有人長尺餘袒身捕蝦蟹以食名山穆猱說文

蝮蝮山川之精物也淮南王說蝮蝮狀如三歲小兒赤黑色赤目長耳美髮國語曰木石之怪夔蝮蝮瑑案張衡南都賦追水豹兮鞭蝮蝮注亦云山川之精物也左傳作罔兩史記孔子世家作罔罔又或作魑魍徐鉉曰俗

土之怪曰羴羊 解唐云羴羊雌雄不成者也

廣韻羴土中怪羊說文無羴有羴訓獠豕也羴羊也羴猪

馬也羴驂牛也展轉相訓是獸豎之屬从賁之字有猪驂之

義故以雌雄未成爲義也

爾雅釋豎注郭璞引公羊傳曰豎公有善狗今公羊作周狗豎曰舊

本爾雅作害狗豎公羊周是害之形相涉而譌亦是猪驂之義善亦害之壞字

主亦有以語肥也 解大夫稱主妻亦如之

左襄十九年傳范宣子謂荀偃曰事吳敢不如事主又昭二

十八年傳成鱣謂魏舒曰主之舉也近文德矣杜注皆曰大

夫稱主愚謂妻亦如之如諸侯之夫人曰小君曰君夫人是

也

吾聞之先姑 解夫之母曰姑歿曰先

爾雅釋親婦稱夫之母曰姑歿則曰先姑郭注別國語爲義
邵學士曰晉姜鼎銘曰余惟嗣朕先姑

古之嫁者不及舅姑謂之不幸夫婦學於舅姑者禮也

邵學士曰士昏禮舅姑既歿婦入三月奠菜祝辭曰敢奠嘉
菜於皇舅某子敢告於皇姑某氏是婦初來時雖舅姑既歿
祝奠猶稱君舅君姑婦人以不逮事舅姑爲不幸也

吾問之先子 解先子舅季悼子也

邵學士曰稱先舅爲先子者從其夫而稱之也瑑案士昏禮
奠某之祝辭曰皇舅某子則婦可稱其舅爲子

康子在其朝

案大夫之家亦稱朝論語曰冉子退朝左襄三十年鄭伯有

夜飲擊鐘朝至未已朝者曰公焉往其人曰吾公在壑谷皆自朝布路而罷

天子及諸侯合民事於外朝

戴吉士曰此外朝在中門外庭

天子之諸侯曰庭諸侯之中門曰雉

小司寇掌

其政朝上掌其法斷獄蔽訟及詢非常之朝也

合神事於內朝 解內朝在路門內也

瑑案此文王世子之內朝也所云其朝於公內朝則東面北

上注內朝路寢之庭也蓋在路門以內路寢以外之庭故韋

說云然若橐人及玉藻之內朝

或謂之治或謂之正朝或又謂外朝

則在路門

之外庭戴吉士所謂司士正其位而君臣日見之朝然則內

朝一在路門內一在路門外固異朝而同名也

自卿以下合官職於外朝 解外朝君之公朝也

案外朝者謂君所設之公朝也攷工記外有九室九卿朝也注外路寢之表如今諸曹治事處玉藻云君日出視朝退適路寢聽政使人視大夫此時當在治事處也詩緇衣箋云卿士之館在天子之宮如今之諸廬也孔沖遠引攷工記及注而申其說曰謂天子宮內卿士各立曹司有廬舍以治事也合家事於內朝 解家大夫內朝家朝也

案此卽卿大夫夕治家事私家之朝耳玉藻云將適公所宿齊戒居外寢沐浴史進象笏書思對命既服習容觀玉聲揖私朝煇如也登車則有光矣注揖私朝者與其家臣揖而往朝於君也以上下外寢登車之文證之知其爲私家之朝

夫外朝子將業君之官職焉內朝子將庀季氏之政焉 解庀治也

案此所云外朝卽君所設之公朝內朝卽私室之朝庀治也者左襄九年傳云官庀其司襄二十五年傳云楚子木使庀賦蓋謂治之使具也

擇瘠土而處之 解磽确爲瘠

左氏傳曰土瘠民貧漢書景帝紀郡國或磽陿無所農注磽謂磽确瘠薄孟子曰地有肥磽左思吳都賦曰同年而語豐确以散文言皆瘠弱之義也

沃土之民不材

淮南地形訓正南次州曰沃土左襄二十五年傳楚爲掩爲

司馬井衍沃平美之地

畫而講貫 解貫習也

釋詁貫習也鄭風射則貫兮釋文古亂反習也左昭二十六
年傳云貫瀆鬼神說文引作攢瀆云攢習也孟子我不貫與
小人乘趙岐注習也又左傳射御貫及以盈其貫杜注俱云
習也詩六月正義引書大傳云貫之何習之也說文又有遺
字亦訓習也是攢遺卽貫也漢書賈誼傳習慣如自然師古
曰慣亦習也則慣亦同字塚案講貫卽講習者易曰君子以
朋友講習

王后親織玄統 解說云統冠之垂前後者昭謂統所以懸瑱
當耳者也

說文統冕冠塞耳者瑱以玉充耳也韋本說文爲義故與冠垂之說不同玉篇統冠垂也

加之以紘緹 解冕曰紘紘纓之無綏者也從下而上不結緹冕上覆之者也

禮雜記管仲饗簋朱紘注冠有笄者爲紘紘在纓處兩端上屬下不結儀禮士冠禮其綏也注綏纓詩齊風冠綏雙止傳冠綏服之尊者璩謂紘緹皆以組爲之所以結冠於人首紘用一組從下屈而上屬之於兩旁結之於頷下垂其餘若止屈組爲紘而不垂爲飾則纓之無綏者矣玉藻前後邃延注延冕上覆也古止作延說文無緹玉篇作緹冕前後垂覆也卿之內子爲大帶 解大帶緇帶也

禮大夫大帶四寸雜帶君朱緣大夫玄華士緇辟二寸注士帶之辟則內外皆緇是謂緇帶大夫以上帶皆廣四寸案士特言緇辟者注所謂內外皆緇也大夫以上第言四寸之廣而不及辨色其亦緇帶可知特非內外皆緇耳若雜帶則有朱緣玄華之異也故韋云緇帶士冠禮云緇帶素鞵一說大帶正服之帶雜帶雜服之帶

命婦成祭服 解祭服玄衣纁裳也

玉藻衣正色裳間色鄭注謂冕服玄上纁下書顧命太保太史太宗皆麻冕彤裳傳彤纁裳正義云禮祭服皆纁裳彤赤也纁是赤色之淺者故以彤爲纁又玉藻記曰諸侯玄端以祭裨冕以朝鄭氏孫氏炎字叔然皆讀端爲冕鄭曰諸侯非二王

後皆玄冕而祭於己孫曰玄冕祭朝之下也其祭先君亦裨冕矣戴吉士曰冕爵弁之衣皆玄抑當云玄衣以祭乎凡朝祭之服上衣下裳幅正裁故冕服曰端冕朝服曰端委士冠禮爵弁服纁裳純衣士昏禮主人爵弁纁裳是爵弁者必玄衣亦必纁裳故韋曰玄衣纁裳蓋爵弁服禮又謂之玄服也列士之妻加之以朝服 解朝服天子之士皮弁素積諸侯之士玄端委貌

郊特牲曰三王共皮弁素積舊說皮弁白鹿皮爲之其服則十五升之布也三代皆以此爲再加之冠服士冠禮皮弁服素積是也瑑案玉藻天子皮弁以日視朝遂以食諸侯皮弁以聽朔於太廟則皮弁者爲天子之視朝諸侯之視朝之服

而韋以爲天子之士者蓋天子視朝時君臣同服鄉黨素衣

麇裘

亦指皮弁服

鄭康成以爲視朔之服君臣同服是鄭亦以皮

弁爲諸侯視朔韋以皮弁爲天子視朝俱本玉藻爲義韋與

鄭正合又裘服注云祭服朝服辟積無數則祭服皮弁皆辟

積無數餘不云者舉皮弁可知也又郊特牲云祭之日王皮

弁以聽祭報皮弁素服而祭祭義云皮弁素積朔月月半君

巡牲則皮弁又爲天子諸侯之祭服歟郊特牲委貌周道也

注委貌或謂玄端塚案雜記言委武玄編左傳言太伯端委

以治周禮又云弁冕端委以治民又晏平仲端委立於虎門

則委貌單言委今韋云玄端委貌者言玄冠玄端耳特牲饋

食禮所謂主人冠玄端是也士冠禮曰服玄冠玄端奠摯見

于君是也戴吉士曰文王世子云若內豎言疾則世子親齊
支而養於此見玄端玄冠諸侯以下齊服而士則以爲祭服
特牲饋食禮又云其祭也賓及兄弟皆朝服玄冠戴又謂經
於士之朝服必言玄冠者士以冠異大夫以上弁也是則玄
端玄冠士之祭服而又以爲朝服也瑑案禮又言大夫冕而
祭於公弁而祭於己士弁而祭於公冠而祭於己亦士玄冠
而祭之證

闕門與之言 解闕闕也

說文闕闕門也廣雅闕闕也眾經音義卷七引三倉云闕小
開門也又引字詁云闕今作闕王侍御云闕之言搗也說文
搗裂也瑑案廣韻裂開也說文闕開也

宗不具不繹 解繹又祭也唐尙書云祭之明日也昭謂天子諸侯曰繹以祭明日卿大夫曰賓尸與祭同日此言繹者通言也

爾雅釋天繹又祭也郭注祭之明日尋繹復祭又云周曰繹注引春秋經曰壬午猶繹周頌序云絲衣繹賓尸也鄭箋繹又祭也天子諸侯曰繹以祭之明日卿大夫曰賓尸與祭同日公羊傳繹者何祭之明日也何休注禮繹祭昨日事但不灌地降神爾天子諸侯曰繹大夫曰賓尸士曰晏尸去事之殺也必繹者尸屬昨日配先祖食不忍輒忘故因以復祭禮則無有悞敬慎之至邵學士曰天子諸侯謂之繹卿大夫謂之賓尸繹與賓尸事不同矣而詩序云繹賓尸者繹祭之事

主爲賓事此尸但天子諸侯禮大異日爲之別立名爲繹言
繹繹昨日卿大夫禮小同日爲之不別立名直指其事爲賓
尸耳序言繹者此祭之名賓尸此祭之事琢案唐尙書通言
繹之名韋則以名爲繹而實爲賓尸者所以合於何鄭諸家
之說繹又名彤爾雅又曰商曰彤書曰高宗彤曰綏詹事以
說文从舟之彤當之讀爲余箴切今轉爲余弓切乃彤
之轉音非正音彤同
享音卽同尋繹之義

繹不盡飲則退

解說曰飲宴安私飲也昭謂立曰飲飲蓋飲
之誤

坐曰宴言宗具則與繹繹畢而飲不盡飲禮而退恐有醉飽之
失皆所以遠嫌也

飲說文作饌饌食也小雅飲酒之飲傳飲私也不脫履升堂
謂之飲箋云私者圖非常之事若議大疑於堂則有飲禮也

韋申其說謂立曰飫者周語云王公立飲韋彼注云禮之立成此爲飫又曰夫王公諸侯之有飫也將以講事成章建大德昭大物也故立成禮烝而已韋曰立成不坐也蓋立成飫禮且不盡飫禮而退以飫之不脫屣升堂也若更坐而晏所謂晏笑宴樂者則更有醉飽之失而無別矣

無招膺

馬融長笛賦云招膺擗標

有隼集於陳侯之庭 解隼鷲鳥也

說文隼鷲鳥也周官翬氏掌攻猛鳥鄭注以猛鳥爲鷹隼之屬小雅馱彼飛隼箋隼急疾之鳥也

楛矢貫之石矰其長尺有咫 解楛木名矰鏃也以石爲之八

寸曰咫

說文砮石可以爲矢鏃夏書曰梁州當作貢砮丹春秋國語曰肅慎氏貢楛矢石砮案書又云惟箇箛楛傳楛中矢榦八寸曰咫者說文咫中婦人手長八寸謂之咫周尺也又尺字訓云周制寸尺咫尋常仞諸度量皆以人之體爲法

古者分同姓以珍玉展親也 解展重也

書旅獒

盧學士曰傳古文皆推拾古書不可盡廢

分寶玉於伯叔之國時庸展親

韋訓展爲重者爾雅釋言眡重也案展眡聲相近

笑吾子之大也

錢詹事曰今本大下多一滿字非古書大與泰通泰卽汰也

檀弓曰汰哉叔氏

今吾子之敎官僚 解唐云同官曰僚昭謂此景伯之屬下僚耳非同官之僚也同僚謂位同者也詩云我雖異事及爾同僚案唐所解左氏文七年傳義荀林父曰同官爲僚我嘗同僚故也韋所解亦左氏義昭七年傳曰隸臣僚僚臣僕注僚勞也共勞事也僚在僕隸之間故曰下僚

季康子欲以田賦 解田賦以田出賦也賈侍中曰田一井也周制十六井賦戎馬一匹牛三頭一井之田而欲出十六井之賦也昭謂此數甚多似非也下雖云收田一井凡數從夫井起故云井耳

案春秋之世列國更有更張而周制軍賦之法壤齊管仲作內政晉呂甥作州兵楚蔣掩作井牧鄭子產作邱賦今季孫

欲作田賦漢書刑法志云古者稅以足食賦以足兵四井爲

邑四邑爲邱邱十六井也有戎馬一匹牛三頭

四邱爲甸則戎馬四匹牛

十二頭兵車一乘甲士三人步卒七十二人是爲乘馬之法

賈本此爲義而謂周制則四

邱出一乘今季孫一邑出一乘也夫十井出一乘包咸之說

也百井出一乘馬融之說也

本司馬

鄭康成小司徒注云井十

爲通通十爲成出革車一乘則亦主百井之說今以一井而

出十六井之賦則四井而出六十四井之賦是四井

邑出一

乘也韋謂此數甚多者以軍賦之法諸家異說不得以春秋

之加賦議周初之定法

出稷禾秉芻岳米不是過也

解岳庾也聘禮曰十六斗曰庾

案庾當爲斂庾斂同音可假然庾實二穀與斂實十六斗之

數不同

則苟而賦又何訪焉 解苟且也

說文苟自急救也苟急聲相近案此經當以苟急爲義

益陽蔡 芳初校

南海羅崇 麟覆校

番禺陶福祥再覆校

國語翼解卷二終

國語翼解卷四

嘉定陳瑒撰

齊語

執枹鼓立於軍門 解軍門立於旂爲軍門若今牙門矣

周官掌舍爲帷宮設旂門又云設車宮轅門注王行止食息張帷爲宮樹旂以表門止息險阻之處車以爲藩則仰車以

其轅表門今幕府亦稱轅門牙門

旂同旛張參五經文字云旂从生作旂譌

是以濱於死 解三君皆云濱近也

史記貨殖傳鄒魯濱洙泗蓋言地近也

三疊三浴之 解以香塗身曰疊亦或爲薰

疊卽齎齎卽覺覺从覺省分聲齎从叢省文聲字當从酉作

齋其作齋者隸之變也齋與同字亦同聲詩大雅鳧鷖在齋
爾雅齋赤苗同有門音以其取聲於分文也分文與薰疊韻
故豈有薰音亦有薰義薰爲香草古人祓除以香草薰灼之
故謂之薰

罇本肇末 解罇等也

說文罇等也廣雅釋詁罇齊也釋言專齊也又說文副斷也
義並同

雜處則其言嘵 解嘵亂貌

說文嘵嘵異之言一曰雜語讀若𦉳

使就閒燕 解閒燕猶清淨也

小戴記有孔子閒居仲尼燕居舊說謂退曰燕退燕曰閒案

士之間燕學記所謂藏修游息也

辨其功苦 解功牢也苦脆也

攷工記曰辨其苦良又天官酒正注云作酒有功沽之巧夏
官司兵注功沽上下功苦即功沽也謂良與惡也韋以牢訓
功脆訓苦亦謂良惡牢則堅緻脆則窳敗苦又作楛苦楛沽
三字竝同

負任擔荷 解背曰負肩曰擔任抱也荷揭也

小雅我任我輦左傳弛于負擔荷又作何無羊何蓑何笠傳
何揭也箋何可反揭亦與負擔同義戰國策馮煖于是乘其
車揭其劔史記東方朔傳數賜縑帛擔揭而去

服牛輶馬 解服謂牛服車也輶馬車也

易服牛乘馬古者牛車爲大車馬車爲小車說文輶小車也漢書平帝紀駕一封輶傳遺詣京師注以一馬輶車而乘傳則古又以輶車爲馬車也

權節其用耒耜耒芟也解權平也平節其器用小大倨句之宜也耒拂也所以擊草也芟大鎌所以芟草也

倨句之宜者攷工記車人爲耒堅地直庇以利推柔地句庇以利發倨句磬折謂之中地耒說文作耒拂也淮南謂之枳拂擊禾連枒也字書無以芟爲器者疑韋本云芟大鎌以芟草也轉寫多一所以字涉上文所以擊刈而誤說文耒部收耒以足闢爲義若金部鎌鍤也鍤鎌也鈔大鎌也銍穫禾短鎌也四文連屬俱从金與耒文从艸芟文从艸之義俱不合故

疑誤也

深耕而疾耨之 解耨摩平也

說文从木作耨摩田器論語曰耨而不耨

首戴茅蒲身衣襍襖 解茅蒲笠笠也襍襖蓑蓑衣也茅或作
萌萌竹萌之皮所以爲笠也

說文笠笠蓋也笠笠無柄也急就篇注笠笠皆所以禦雨大
而有把手執以行謂之笠小而無把手戴以行謂之笠古者
笠笠皆以竹爲之故茅或作萌萌一聲之轉說文箠竹萌
也箠竹箠也箠楚謂竹皮曰箠竹萌之皮箠箠箠之類又管
子小匡篇注襍襖謂麤堅之衣可以任苦著者也

有司已於事而竣 解竣退伏也

說文竣倨竣也國語曰有司已事而竣倨竣之倨疑是倨之形相涉而譌倨傲與退伏相反爲義玉篇竣止也退伏也廣韻竣止也倨也竣退也竣竣同

人與人相疇家與家相疇 解疇匹也

易否卦疇離趾孔疏疇謂疇匹也文選嵇康贈秀才入軍詩交交黃鳥顧疇弄音注疇匹也

以方行於天下 解方當作橫

秦韋以方爲橫蓋讀橫如廣如廣被之廣經傳俱作橫被也鄉長復事 解復白也

商書說命說復于王曰周禮天官以待諸臣之復是臣之進說於上謂之復曲禮少閒願有復焉注復白也

聰惠質仁 解惠解瞭也

案惠與慧同聲通用廣韻慧解也

使民以勸綏謗言 解綏止也

案綏妥同曲禮大夫則綏之鄭讀綏爲妥言其下於心取退下之義春秋傳交綏謂兩軍皆退也錢詹事曰妥退聲相近禮退然如不勝衣注退或爲妥易繫辭墮然示人簡矣孟喜本作退然陸績董遇姚信三家作妥是妥與退同義今韋以止訓綏則亦讀綏如妥矣退與止義相近

訾相其質 解訾量也

漢書枚乘傳舉吳兵以訾于漢李奇曰量也又商子想合篇訾粟而稅謂量粟也又管子君臣篇吏嗇夫盡有訾程事律

警限也亦有量義

相地而衰征 解衰差也

衰差一聲之轉九章祿術衰分衰分差也李籍音義楚危切次也不齊等也引管子相地衰征

陵阜陸墜井田疇均 解高平曰陸大陸曰阜大阜曰陸墜溝上之道也九夫爲井井開有溝穀地曰田麻地曰疇

陸阜陵三者俱本爾雅爲義陸之言澗也水流澗而去也

徒鄭注作高平曰原左傳定元年杜注引爾雅作廣平曰陸水經注引春秋說題辭曰高平曰大原今韋解正

與爾雅廣平曰原高平曰陸合阜之言茂也平地隆踊不屬於山陵也釋名又云阜厚也言高厚也陵之言隆也體高隆也三者皆以聲爲義也瑾疑眡之假借字周禮遂人十夫有

溝漑上有畛百夫有洳洳上有涂瑾義爲塗

涂之

畛義亦爲

涂瑾與畛音亦相近故可相假也月令糞田疇正義曰穀田

曰田麻田曰疇

犧牲不略 解略奪也

廣雅釋詁略取也左氏宣十五年傳晉侯治兵于稷以略狄
士杜注略取也襄四年傳季孫曰略注不以道取曰略是古
者略取之略止有略無掠說文無掠徐氏新附

鬻之四方 解鬻賣也

王制田里不鬻于市省作粥說文有鬻無粥从鬻从米說文
賣街也讀若育此是不粥于市之正文其作鬻者賣之同聲
通假省作粥不成字韋曰鬻賣也此以聲爲義也後世省鬻

作粥讀賣爲莫蟹切而賣之从耑得聲賣之可以聲借爲粥
俱不得其聲義矣

齊國寡甲兵 解甲鎧也

說文鎧甲也廣韻鎬甲介鎧也周禮夏官司甲正義曰古用
皮謂之甲今用金謂之鎧

制重罪贖以犀甲一戟 解犀犀皮可用爲甲也戟車戟也秘
長丈六尺

攷工記函人爲甲犀甲七屬又云戟廣寸有半寸內三之胡
四之援五之注戟三鋒戟戴吉士曰戟中直援援長七寸半
連秘長丈六尺

鞮盾一戟 解鞮盾綴革有文如纘

說文鞮韋繡也廣韻鞮繡革也盾綴革也

美金以鑄劍戟

爾雅黃金之美者鏐白金之美者鏐未釋青金之美者然剛
鐵之可以刻鏤者卽美金也

惡金以鑄鉏夷斤斲 解斤形似鉏而小斲斲也

說文斤斲木也鉏立斲所用也案斤爲劓斲之總稱鉏則治
田之器韋故別白言之斲斲者爾雅釋器云斲斲謂之定斲
謂之錯說文斲斲也斲斲也齊謂之鏃鏃錯則說文从木斲
亦云斲謂之楛又說文斲斲也大徐云斲器也斤以斲之是
斲斲斲斲斲斲聲義俱同錢詹事云斲之若切今世俗讀爲
坎音張文潛明道雜志有戲語斲下驢頭語蓋讀斲如坎與

乾上龙尾作偶語則此音之譌由來已久矣

渠弭於有渚 解水中可居者曰渚

說文爾雅釋水竝同又爾雅小洲曰渚邵學士曰高誘淮南注云水中可居者曰渚是渚爲水中可居之通名故禮運云不使渚者居中原

環山于有牢 解環繞也牢牛羊豕也言雖山險皆有牢牧也
一曰牢固也

案齊俗急功利管仲府海官山尤以足國爲術故韋以牢牧爲義

南至于陶陰

案陶卽陶說文陶邱在濟陰

刺令支 解刺擊也

說文刺擊也左昭二十六年傳云苑子刺林雍斷其足擊斷
義同

方舟設泝乘桴濟河 解方併也編木曰泝小泝曰桴

說文方併船也象兩舟省總頭形爾雅釋言舫泝也釋水庶
人乘泝郭注云水中簞筏詩谷風方之舟之釋文引孫炎云
方木置水中爲泝筏也又引郭璞云木曰簞竹曰筏邵學士
曰泝筏同音伐樊光爾雅本作舫方言云泝謂之簞簞謂之
筏國語注又言編木曰泝小泝曰桴舫方泝舫音義並同
甲不解繫兵不解駙發無弓服無矢 解繫所以盛甲也駙所
以蔽兵也發弓衣也服矢衣也

案盛甲蔽兵止取纏繞掩覆之義古者行軍自有盛甲之物
司馬法云固守衣裝五人左氏襄二十四年傳云踞轉而鼓
琴杜注轉衣裝也是衣裝卽所以盛甲者踞轉下文云皆取
胄于囊而胄樂記云倒載干戈包之以虎皮名之建囊注囊
韜兵器之具兵器皆用鍵囊閉藏之則胄名囊與兵器同名
囊周頌載囊弓矢是囊爲結束之總名左成十六年傳云中
項伏弣又下云納旌于弣中則旌衣亦名弣說文弣弓衣也
小雅象弣魚服箋服矢服也周禮夏官司弓矢作箛鄭注箛
盛矢器也矢器亦名房左宣十二年傳抽矢箛納諸廚子之
房注房箭舍又案盛音爲成轉爲藏駢音爲衣轉爲隱弣音
韜說文韜劍衣也服音伏皆以聲爲義

賞服大輅龍旗九旒渠門赤旂 解唐尚書云大輅非也賈侍
中云大輅諸侯朝服之車謂金輅鉤樊纓九就龍旗九旒也渠
門亦旗名赤旂火旗也昭謂龍旗畫交龍於繆也正幅爲繆旁
屬爲旒鉤雙頰之鉤樊馬大帶纓當冒削革爲之皆以五采劉
飾之九就就成也渠門兩旗所建以爲軍門若今牙門也

案賈氏據周官巾車爲義渠門蓋卽掌舍所設旌門之旌赤
旂爲火旗者釋名旂倚也畫作兩龍相依倚也通以赤色爲
之無文彩諸侯所建也左傳曰火龍繡黻又案攷工記龍旂
九旒以象大火也烏旂七旒以象鶉火也則火旗之火以星
言韋故申其說曰畫交龍於繆也戴吉士曰旂著繆垂者也
交龍烏隼之屬皆畫於繆樊纓五采之說皆本巾車注渠門

兩旗所建韋蓋申說渠門之義卽旌門也

牛馬選具 解選數也

書盤庚世選爾勞傳云數也左昭九年傳弗去懼選杜注懼
數其罪而責之也塚案選與算一聲之轉漢書公孫賀傳贊
斗筭之人何足選音義與算同說文筭之重文爲僕古从算
之字與从巽通用

公與之繫馬三百 解繫馬良馬在閑非放牧者

周禮充人掌繫祭祀之牲拴祀五帝則繫于牢注牢閑也繫
於閑中而養之案齊與衛以祭祀之牲拴言繫馬以概其餘
也左傳曰牛羊豕雞狗皆三百

縷綦以爲奉 解縷綦以縷織綦不用絲取易共也綦綺文

周禮典冢掌布總縷紵之麻草之物說文縷縷也廣雅釋器
綦綺綵也王侍御曰綦綺蓋謂織綺文如綦也說文綺文縷
也釋名綺欵也其文欵邪不順經緯之縱橫也有綦文方文
如綦也綦與綦通

綦載而歸 解綦綦也

案綦綦聲相近廣韻十七準綦束也力準切同輪玉篇輪束
禾也廣雅綦謂之纒說文綦攘背繩也淮南子原道訓短袂
攘卷以便刺舟卷與綦同綦綦皆卷束之義

晉語

故壹事之 解壹事之事之如一也

案壹一古今字詩壹發五豨詩文稱詩作一發廣雅釋詁壹

弋也儀禮士相見禮注古文壹作一有司徹注今文壹爲一禮表記注壹讀爲一章故以如一爲壹事

從君而貳 解貳二心也

貳二亦作異義同禮坊記惟卜之日稱二君注貳當爲二易坎卦樽酒簋貳謂一樽之酒二簋之食詩曰無貳爾心書曰不貳心之臣

遇兆挾以銜骨齒牙爲猾 解挾猶會也骨所以鯁刺人也猾弄也

挾从夾聲夾與甲同音大雅會朝清明毛傳會朝者甲朝也錢詹事曰會與甲聲相近今章以挾爲會則正讀挾如甲矣骨鯁者說文云魚骨廣韻云刺在喉儀禮公食大夫禮注乾

魚近腴多骨鯁猾弄者狡猾狎侮也

戎夏交梓 解梓交對也

凡从卒之字倅副也萃聚也絳合也俱與交對義相近

逞而不知胡可壅也 解逞快也壅防也

玉篇逞快也楚謂疾行爲逞春秋傳曰何所不逞周禮雍氏掌溝瀆滄池之禁鄭注雍謂隄防止水者今从土

備之爲瘳 解瘳差也

左傳十三年傳使事齊楚其何瘳于晉杜注瘳差也

昔夏桀伐有施 解桀禹十七世

殷辛伐有蘇 解殷辛湯三十世

案夏十七世殷三十世俱本史記爲次惟漢書二統世經云

凡殷繼世嗣三十一王六百二十九歲錢詹事曰漢志蓋兼
太丁言之

而安俘女 解軍獲曰俘

說文俘軍所獲也春秋傳曰以爲俘馘

非吾宅也 解宅居也非吾所安居也

爾雅釋言宅居也堯典宅嵎夷史作居郁夷

不跨其國 解跨猶據也

案跨之義當爲踞其云據者據踞同聲通假也

多而驟立不其集亡 解驟數也集至也

左襄十一年傳晉能驟來注晉以諸侯之師更番而出故能

數來又小雅載驟駉駉注急速曰驟案急驟促速趨數即聲

皆相轉說文集羣鳥在木上也至鳥飛从高下至地也一猶地集于木爲集至于地爲至故集至同義

嗛嗛之德不足就也 解嗛嗛猶小小也

嗛與謙同易謙卦子夏傳作嗛惠徵士曰漢書菽文志曰易之嗛嗛封禪文云謙讓而弗發尹翁歸傳云溫良嗛退師古曰嗛古謙字史記樂書及馮煥殘碑皆以嗛爲讓珠案嗛嗛猶謙謙也下曰不可以矜而取憂也謙退與矜夸反對成文韋云小小義亦不遠

不能爲膏而祇罹咎也 解膏肥也

諛文膏肥也

非謀不卒時 解卒盡也

爾雅釋詁卒已也終也釋言又曰卒既也穀梁桓三年傳云
既者盡也

非義不盡齒 解齒年壽也

禮文王世子古者謂年齡齒亦齡也左昭元年傳云使后子
與子干齒注云以年齒高下而坐

非天不離數 解離歷也

小雅不離于裏正義云離歷也案離歷聲相近

今不據其安 解據居也

漢書楊雄傳三摹九据注据今據字猶位也處也又酷吏傳
贊趙禹据法守正注亦云据同據从居聲卽有居義

不度而遠 解遠邪也

書盤庚恐人倚乃身迂乃心傳恐浮言之人迂汝心使邪僻也

誠莫如豫豫而後給 解豫備也給及也

玉篇豫逆備也爾雅釋言豫敘也邢昺謂事豫備者亦有敘也邵學士引此經以證之亦以豫備爲義說文敘次第也給玉篇亦訓備則給與豫本一義韋云及者聲相近也

五立而後平

疑五立爲五位春秋古文家說公卽位作公卽立

其娣生卓子 解女子同生謂後生爲娣於男則言妹也

爾雅釋親女子同出謂先生爲娣後生爲娣郭注同出謂俱嫁事一夫引公羊傳諸侯娶一國以姪娣從之文以證之今

驪戎二女竝嫁獻公與爾雅義正合韋云同生者正以足成爾雅同出之義故又云於男則言妹以申明其所云同生之意釋親又云男子謂女子先生爲姊後生爲妹左傳曰衛莊公娶于東宮得臣之妹詩東宮之妹皆男則言妹之證

子思報父之恥而信其欲 解信古申字

易繫辭往者屈也來者信也往來屈伸相對周官典瑞侯執信圭注信圭刻人形伸也亦與躬圭刻人形屈也對文詩邶風不我信兮亦讀爲申

歸寢不寐 解寐瞑也

玉篇瞑寐也寐瞑聲近經傳凡言瞑瞑者猶昧昧也

牀第之不安邪 解第簀也

爾雅釋器簧謂之第郭云牀版說文簧牀棧也第牀簧也檀弓大夫之簧與鄭注簧謂牀第也左襄二十七年傳云牀第之言不踰闕杜注第簧也楊子方言陳楚之間謂之第是簧第亦聲相近字

其下偷以幸 解偷苟且也

爾雅佻偷也郭注謂苟且邵學士云傳注佻偷俱訓薄惟左傳疏引孫炎云偷苟且也郭注本孫炎今章亦以苟且爲義是偷本有兩義

重僨可疾 解僨僨也

爾雅釋言僨僨也郭注卻僨說文僨僨也吳越春秋云迎風則僨背風則仆釋名云僨正直量然也

是左之也 解左猶外也

史記文帝紀左賢右戚注引韋昭曰左猶高右猶下也案韋以左右爲高下外內其義一也易卦上卦下卦亦稱內卦外

卦

眾況厚之 解況益也

大雅亂況斯削傳況滋也說文滋益也茲草木多益也

眾孰沮之 解沮敗也

小雅何日斯沮傳沮壞也說文敗毀也毀毀也周禮詛祝注謂詛之使沮敗也

苛我邊鄙 解苛擾也

爾雅釋言苛姤也郭注煩苛者多疾姤也說文擾煩也苛小

草也釋言又云康苛也蓋康苛皆細小之物故假借以爲煩擾之名廣韻苛煩也

衣之偏袷之衣 解袷在中左右異故曰偏

左思魏都賦襲偏袷以讚列說文作禱衣躬縫从衣毒聲讀若督則从叔者督之省也又禮深衣負繩及踝注謂袷與後幅相當之縫史記佞幸傳顧見其袷注袷衫襦之橫者皆作袷

佩之以金玦 解玦如環而缺以金爲之

說文玦玉佩也古者玦有玉有金漢書五行志云佩之金玦師古曰半環曰玦白虎通君子能決斷則佩玦玦環之不周也廣韻玦佩如環而有缺逐臣待命於境賜環則返賜玦則

絕義取與之訣別也

狂夫阻之衣也 解狂夫方相氏之士也阻古詛字

周禮方相氏狂夫四人釋名詛阻也使人行事阻限於言也
瑑案詛又作作大雅侯作侯祝釋文作本或作詛小雅以詛
爾斯釋文云以禍福之言相要曰詛

孺子懼乎 解孺子少子也

錢詹事曰今人以孺子爲童穉之稱蓋本於孟子攷諸經傳
則天子以下嫡長爲後者乃得稱孺子晉語里克先友杜原
款稱申生爲孺子里克又稱奚齊爲孺子晉獻公之喪秦穆
公使人弔公子重耳稱爲孺子而舅犯亦稱之是時秦欲納
之爲君也

其後引經傳天子諸侯卿大夫之
嫡子稱孺子者詳養新錄茲不贅

今韋云少子者

蓋亦本孟子及檀弓有子與子游立見孺子慕者弁人有其
母死而孺子泣者之義爲童子之稱案申生年已長成當據
錢氏之說以正韋義

以旃衣純 解雜色曰旃

左傳作旃注云雜也書周官不和政旃傳云雜也旃旃多通
用瑑案說文旃犬之多毛者旃石大也多毛爲旃雜之義石
大爲敦旃之義周語曰敦旃純固說文旃从厂玉篇厂部同
說文广部又別出旃字
而玦之以金銑者寒之甚矣 解銑猶灑灑寒也

案銑灑一聲之轉爾雅釋器絕澤謂之銑郭注銑卽美金言
最有光澤也國語曰玦之以金銑者謂此也邵學士曰說文
云銑金之澤者國語韋注亦言其光澤之寒也

邵云韋注銑
猶灑也

國語彙考卷四
三
貌是邵所據本
與明道本不同

國君好艾 解艾當爲外聲相似誤也

廣韻十五秦收外二十癢收艾艾之同部又收藏云鳥外切
則艾與外聲亦相似

雖蝮諧焉 解蝮木蟲也諧從中起如蝮食木木不能避也

爾雅釋蟲蝮蝮郭注木中蠹蟲又云蝮桑蠹郭注卽蝮
說文蠹木中蟲淮南說林訓云蠹眾則木折左傳疏引李巡
詩疏引孫炎俱云蝮木蟲也

三日不可食 解食僞也

爾雅釋詁食僞也郭注書曰朕不食言書疏引孫炎云食言
之僞也案春秋左氏傳曠云食言如惠齊食言齊盟而食

話言臨事而食言食言者不病是食言多矣杜注言而不行如食之消盡後終不行前言爲僞也

子爲我具特羊之饗 解特一也凡牲一爲特二爲牢

禮郊特牲注云郊祭用一牛故曰特牲周禮小宰牢禮之灋注三牲牛羊豕具爲一牢則二爲牢者謂白二以外也齊語環山於有牢彼注亦云牢牛羊豕也

言無郵 解郵過也

爾雅釋言郵過也

郭云道路所經過蓋以郵爲郵亭

邵學士曰郵與尤同爾

雅逸嘗過也則郵過之過以過失爲義小雅賓之初筵云不知其郵王制之郵罰麗于事注皆云過也并引晉語言無郵及郵而效之郵又甚焉三事皆云過也以證之又包咸論語

注曰九過也

主孟啗我 解大夫之妻稱主從夫稱也孟里克妻字啗啖也
孟或作益

案謂孟爲里克妻字非也史記呂后本紀注中引此句索隱
云孟者且也言且啗我東坡與歐陽叔弼詩云主孟當啗我
玉鱗金尾魚說文啗食也讀與含同啖噉啖也一曰噉廣韻
啗噉也玉篇啖同噉廣韻啖同啗啖噉三字聲義皆同
噉豫之吾吾 解吾讀如魚

列子黃帝篇姬魚語女殷敬順釋文魚讀吾史記河渠書功
無已時兮吾山平徐廣曰東郡東阿有魚山或者乎

大皆集於苑 解苑茂木貌

吳普本草紫苑說文作苾苑苑苑本通用小雅有苑者樛傳
苑茂木也有苑其特箋苑然茂特之苗又我心苑結箋苑讀
爲鬱

弑君以爲廉 解賈侍中云廉猶利也以太子故弑君以自利
唐尚書云爲太子殺奚齊不有其國以爲廉也昭謂是時太子
未廢獻公在位而以君爲奚齊非也君獻公也虞御史云廉直
也讀若闔廉之廉此說近之

禮月令其器廉以深攻工記弓人紵而搏廉鄭注俱云廉嚴
利也球案經傳廉俱讀力鹽切廉利一聲之轉賈以利訓廉
疑又讀廉如斂與利更近釋名廉斂也自檢斂也韋據虞御
史說讀若闔廉之廉錢詹事所謂凡許氏言讀若者皆經典

通用字也詹事又言古人言讀若者往往不破本字而以方俗語曉之依錢氏說謂古人讀若不破本字而以人姓名曉之如儀禮注讀如卓君之卓周禮注讀如冥氏春秋之冥此云讀若鬪廉之廉正其例也

賓莖干肉 解莖烏頭也

爾雅釋草莖莖草郭注卽烏頭也邵學士云莖草又名烏喙燕策云人之飢所以不食烏喙者以爲雖偷充腹而與死同患也先大夫曰說文苦莖字从艸莖莖字不从艸訓黏土也今白芨以水漬之有黏膩形正如烏喙燕策所言當卽此物豫案淮南主術訓云天下之物莫凶于奚毒高誘注奚毒烏頭吳普本草云烏頭形如烏之頭也有兩岐相合似烏之喙

蘇恭以爲鳥喙

飲小臣酒 解小臣官名掌陰事陰命闔士也

周禮天官有內小臣闔上士四人

小心狷介

案狷介雙聲後漢書陰興傳豐亦狷急亦一聲之轉

論語狷

孟子狷者同聲相轉之字故山

之駭問介然當讀開介絕句

乃雉經于新城之廟

釋名屈頸閉氣曰雉經如雉之爲也

正以諡爲共 解諡法旣過能改曰共

案解本周書諡法解孔晁曰言自知也

闔楚 解楚謂伯楚寺人披之字也於懷公時爲寺人勃鞞

案左傳二十四年傳云寺人披請見見重耳也二十五年傳云晉侯問原守於寺人勃鞞則於文公時稱披又稱勃鞞解云懷公時爲寺人勃鞞當作文公古音多重唇披讀重唇披爲勃鞞蓋長言之爲勃鞞短言之爲披後世反切之權輿也

古人兩稱多比類乘之爲壽夢榘之爲成然儀之爲奚斯樂之爲頭曼皆其例也

驪姬使奄楚以環釋言 解環玉環環還也釋言以言自解釋也

案荀子大略篇云反絕以環驪姬蓋以環陽釋以還國之言而陰釋以反絕之言此經當據荀子爲義

執鉞立於西阿 解西阿西榮也

儀禮士昏禮賓升西階當阿注阿棟也今文阿爲廠攷工記

匠人四阿重屋注四阿若今四柱禮喪大記升自東榮降自西北榮注榮屋翼也天子諸侯屋皆四柱大夫以下但前簷後簷而已翼在屋之兩頭似翼故名屋翼韋謂西榮者蓋柱之西屋簷下也

使晉襲于爾門 解襲入也

案傳注訓襲爲服爲合爲重爲因爲受此云入者蓋以疊韻之字爲義也

如君之言則蓐收也 解蓐收西方白虎金正之官也

淮南天文訓西方其帝少昊其佐蓐收錢教授曰高誘呂氏春秋七月紀注云少昊氏裔子曰該皆有金德死託祀爲金神然晉語云云即據此經山海經云西方蓐收左耳有蛇乘兩龍

郭璞注金神也明蓐收本天神該爲金正故亦名蓐收月令注云金官之臣

大國之襲於己也何瘳 解瘳猶損也

案何瘳當時有此言左昭十三年傳云使事齊楚其何瘳於晉注瘳與差聲相近差與損義相近

丙之晨龍尾伏辰 解丙丙子也

漢志三統世經據左傳曰丙子之晨案今左傳無子字與此經同惠學士曰師法用辰不用日丙日也子辰也言丙不言子者日在尾故舉日不舉辰辰爲客時爲主人故言丙之晨今韋解曰丙丙子也是內外傳俱無子字

均服振振取裁之旂 解均同也戎服君臣同也

三統世經作衿今左傳亦作均惠徵士曰服虔曰均服黑服也戰國策左師觸龍曰願令補黑衣之數注云黑衣戎服士

冠禮兄弟畢衿玄鄭注衿同也古文衿爲均司馬志

云郊祀之服皆以均玄淮南子曰尸祝衿袂高誘曰衿純服

衿黑齋衣也衿袂猶衿玄衿字篆書與衿相似上下皆玄故謂之均服

子慎以均服爲黑服失之杜氏謂戎事上下同服是也今韋

義正與杜合又呂覽王孫滿謂秦師曰今初服回建高誘曰

初同也兵服上下無別故曰初服初皆衿之譌劉逵注吳都

賦引左傳亦作衿左傳釋文云均字書作衿

鷄之賁賁天策焯焯火中成軍號公其奔

案杜注左傳與韋解大略相同杜訓焯焯爲近日星微無光

耀也本玉篇爲說也韋則曰焯焯近日月之貌也蓋星有見伏逆畱近日月則伏而無光矣是韋亦以無光耀訓焯焯也說文焯明也玉篇無光耀之訓亦反相爲訓也杜以星驗推之知九十月之交日月合朔於尾月行疾至旦而過在策孔穎達以三統術推之此夜是月小餘盡夜半合朔在尾十四度近儒錢詹事謂當在尾十五度大強也

火中而旦其九月十月之交乎 解交晦朔之間也

見上

三屬諸侯 解屬會也

廣韻屬聚也會也周禮地官則屬其州之民而讀邦法注屬猶合聚也

既鎮其莒矣 解莒棟也

說文莒屋棟也从瓦夢省聲徐鍇曰所以承瓦故从瓦

今明道本

从几常時俗字

左襄二十八年傳猶援廟桷動於莒社注亦云莒屋

棟張衡西京賦鳳鸞翥於莒棟注莒棟也釋名屋脊曰莒莒蒙也在上覆蒙屋也義略異

景霍以爲城 解景大也霍晉山名也今在河東

周禮職方河內曰冀州其山鎮曰霍山晉都本在冀州

皆晉地孟子移其民于河內移其粟于河東

爾雅釋山云霍山爲南嶽邵學士曰

此漢武以後諸儒所臆易也

汪是土也 解汪大貌

案王義爲大凡从王之字俱有大義

說文汪从王

苟違其違 解上違違去也其違違道也

上違爲去者禮表記事君王違而不出竟論語違之之一邦
注皆云違去也其違爲道者左氏傳云違而道也

吾請爲子鍊 解鍊道也

說文鍊綦鍼也鍼所以縫也管子一女必有一鍼一鍊注鍊
長鍼也此云道者猶縫之以鍊爲引導也

大亂之剡也不可犯也 解剡鋒也

說文剡銳利也漢書賈誼傳剡手以衝仇人之曾注剡利也
義與鋒同

不得供備洒掃之臣 解洒灑也

案洒灑同聲詩唐風弗洒弗掃大雅灑掃庭內作灑

亡人之所懷挾纓纓 解纓馬纓也纓馬腹帶也

以鞵爲夕薦馬纓三就注今馬鞵周禮巾車樊纓注纓當曾
削革爲之也左桓二年傳盤厲游纓注在馬膺首如索君纓
玉篇曰帶也離騷既替余以蕙纓兮注佩帶也蓋纓本爲帶
繫於馬者爲馬腹帶猶纓本冠冠系繫於馬則曰馬纓也

黃金四十鎰 解二十兩爲鎰

趙岐孟子注亦以二十兩爲鎰鄭康成則曰三十兩史記注
臣瓚曰秦以一鎰爲一金漢以一金爲一金則又以二十四
兩爲鎰案鎰與溢同漢書食貨志黃金以溢爲名荀子儒效
于溢之寶俱作溢

玉之珩六雙 解珩佩上飾也珩形似磬而小詩傳曰上有

葱珩下有雙璜

說文珩珩上玉也鄭風雜佩以贈之傳云雜佩珩璜琚瑀衡
牙之類釋文珩佩上玉也珩在上所以維持璜琚之類故形
如磬而小

輿人誦之 解不歌曰誦

說文誦諷也諷誦也諷有諫刺之意誦有怨謗之義左襄四
年傳臧紇侵邾敗于狐駘國人誦之又此經下文云惠公改
葬共世子臭達于外國人誦之皆怨謗之義韋解義似未備
得之而得 解得怙也

荀子議兵篇得之以慶賞注得與得同後漢書馮異傳得怙
小利注得怙怙也左桓十三年傳得于蒲騷之役注得怙也

釋文怙時設反又時世反

倚兮違兮 解倚歎也

齊風倚嗟昌兮傳倚嗟嘆辭周頌倚與漆沮箋倚與嘆美之言也又商頌倚與那與呂覽塗山女歌曰侯人兮倚實始作爲南音皆歎辭也玉篇倚歎辭也瑑案倚與倚與依通倚與依通漢書孔光傳依違者違歲蓋卽依違也此經倚兮違兮與上威兮懷兮對文亦一義也

其魄兆于民矣 解魄形也兆見也

周書武成旁始魄正義曰魄者形也謂月之輪廓無光之處名魄也兆本以龜拆爲義兆爲見者中庸所云見乎蓍龜是也

魄意之術也 解意民之志也術導也


玉篇魄人之精爽也祭義魄也者注耳目之聰明爲魄關尹子曰因意有魄因魄有精魄本無形今魄有形以兆于民則猶志發於外之爲意矣徐鍇曰見之于外曰意顏師古漢書注曰述道徑也心之所由也述同術

秦人殺冀芮而施之 解陳尸曰施

施尸同音尸本訓陳說文尸陳左傳四年傳楚武王荆尸注謂陳尸於荆也今日陳尸曰施是施尸同音同義

衡公衡彫戈 解衡橫也彫鏤也

衡橫同聲通用齊風衡縱其畝孟子衡於慮義皆爲橫漢書刑志志合縱連橫師古曰秦國地形橫長故爲衡也荀子大

天子彫弓司馬相如子虛賦左烏號之彫戈彫戈猶彫弓也惟彫弓以彫畫爲文飾彫戈以彫鏤成文字琢案程徵君通雅錄說戈文最多中有如畫如文作形者徵君釋爲凋字謂自堦字古之凋戈也

秦公 解輅迎也

古音爲五駕切左傳注亦訓輅爲迎亦讀爲遐音卽爲遐義古音同類韻書未出以前御麀媿本無區別詩行露與夙夜韻無惡無射如字與終譽韻其證也

釋來救君 解釋舍也

釋舍亦古音同類釋菜之釋作舍菜舍命不猶之舍作澤射義射之爲言釋也或曰舍也

作轅田

左傳作爰田漢書地理志商鞅作轅田注轅與爰同先大夫曰說文忝部頹田卽左傳之爰田爰籀文轅字

而使君嘗 解嘗慙也

廣雅釋詁嘗慙也小爾雅亦云嘗慙也左襄公十四年傳云不與於會亦無嘗焉注嘗慙左思魏都賦云有覲嘗容注云嘗愧也

文公在狄十二年 解魯僖五年歲在大火自蒲奔狄至十六年歲在壽星故在狄十二年

豫案以四分以後諸術上溯推魯僖公五年丙寅歲在媯嘗十六年丁丑歲在元枵而此經下文董因曰君之行歲在大

火後十二年歲復在壽星必獲諸侯經有明文據以爲解者

三統超辰之法也歲在大火於干支爲壬戌歲在壽星於干

支爲癸酉

其算例以上元積年滿歲星歲數去之餘數爲歲餘以百四十五乘之百四十四除之爲積次餘數

多少從星紀算外卽

得是年歲在何度

非以狄爲榮 解榮樂也

案榮樂猶榮懷也周書曰邦之榮懷錢詹事曰榮懷雙聲蓋言非懷安于狄也

蓄力一紀 解十二年歲星一周爲一紀

案歲星者木星也木三金四皆生數三四相乘爲十二三統術曰木金相乘爲十二是爲小周小周乘坤策爲一千七百二十八是爲歲星歲數

野人舉塊以與之 解塊埃也

說文塊埃也埃塊也博物志徐州人謂塵土爲蓬塊

歲在壽星及鶉尾 解自軫十二度至氐四度爲壽星之次自

張十七度至軫十一度爲鶉尾之次

案軫宿共十七度角十二亢九至氐四度壽星之次共四宿

一十一度張宿共十八度翼十八至軫十一度鶉尾之次共

一宿三十度

氏殺之 解晉又欲去

晉東晉問皆謂之倩案卽壻之轉聲

寔啟處 解啟跪也

小雅本經毛傳曰啟跪也爾雅釋言亦曰啟跪也郭注云

小跪說文跪長跪也跪拜也左傳疏引李巡爾雅注曰啟小跪也又釋名曰跪危也兩膝據地體危隍也起啟也啟一舉聲也碑學士曰啟一舉體卽小跪也珠案謂啟跪跪皆同聲爲義

了幾矣 解幾近也

兩辨釋註幾近也案幾近亦聲相近爲義左襄二十一年傳公棼年義亦爲近也

在大人關伯之星也實紀商人 解自氏五度至尾九度爲大火之次

案氏宿共十五度房五心五至尾九度共四宿三十度爲大火之次左昭元年傳云遷關伯于商邱主辰商人是因故辰

爲商星爾雅曰大火謂之大辰

還軫 解軫車後橫木還軫猶回車

說文軫車後橫木攷工記與人六分其廣以一爲之軫圍鄭

注亦云軫輿後橫者也

戴吉士曰輿下四面材合而收輿謂之軫亦謂之收獨以爲輿後橫者失

其傳也

琢案廣韻軫轉也動也楊子太玄經云軫轉其道還軫

猶回轉也軫轉聲亦相近

不能蕃廡 解廡豐也

爾雅作蕪釋詁蕪豐也說文作無豐也从大卅數之積也林
者木之多也商書曰庶草繁無今本洪範作蕃廡蕃繁字異
義同蕪爲隸體增加字廡則假借字也

羽旄齒革則君地生焉

禹貢荊州之貢故曰君地生焉禹貢旄作毛左氏傳亦作毛
史記夏本紀與此同作旄旄毛古通用

其波及晉國者 解波滋也

古音支歌不分此亦以疊韻爲義也

其左執鞭弭 解爾雅曰弓無緣者謂之弭

說文弭弓無緣可以解轡紛者既夕禮有弭飾焉鄭注亦云
弓無緣者謂之弭皆與爾雅同爾雅郭注引左傳執鞭弭爲
義杜注亦云弓無緣陸德明則云弭弓未案釋名云弓未曰
箛又謂之弭以骨爲之滑弭弭也邵學士云弓未亦名弭故
禮稱獻弓者執弭爾雅所釋蓋與有無緣者對文言之

右屬囊鞬

解囊矢房鞬弓弣也

說文韃所以戢弓矢釋名馬上曰韃韃建也弓矢竝建立其中也廣韻馬上盛弓矢器案韃亦弓矢竝受不專納矢詩曰載韃弓矢

不遂其媾 解媾厚也

案曹風毛傳本訓媾寵也此云厚者亦以曼韻爲義

二帝用師以相濟也 解濟當爲擠擠滅也

案濟擠聲同義亦相假史記項羽本紀漢軍卻爲楚所擠莊子人間世其君因其修以擠之皆以擠爲濟此則以濟爲擠擠滅猶翦滅也擠翦又聲相轉也

姓利相更 解更續也

案更爲廢之假借字書乃煇載歌傳更續也說文廢爲續之

古文

集德而歸載 解載祀也

爾雅商曰祀唐虞曰載載祀同爲年歲之名今以載祀爲祭祀之義六書之假借也

公子賦河水 解河當作沔字相似誤也其詩曰沔彼流水朝宗于海

案左傳亦作河水杜預以爲逸詩義取朝宗于海夫杜既以爲逸詩又焉知所逸之有朝宗于海句乎不如依韋氏沔水之說爲長

尙有晉國 解尙上也

尙上同聲通用書序曰尙書者上也以堯爲上始而書其事

也說文尙曾也庶幾也此經當據庶幾爲義

得貞屯悔豫皆八也 解八謂雷兩陰爻在貞在悔皆不動故曰皆八

悔說文从卜作解易卦之卜體也經傳皆作悔假借也錢詹事曰春秋之世三易尙存其以周易占者數爻變則以彖辭占如內傳艮之八外傳屯貞悔豫皆八是也不變之卦不云七而云八蒼圓而神七也卦方以知八也六爻易以貢九六也七爲筮之數卦之未成者八爲卦之數卦之已成者故春秋內外傳不言七而言八也

十月惠公卒十二月秦伯納公子 解內傳魯僖二十三年九月晉惠公卒而此云十月賈侍中以爲閏餘十八閏在十二月

後魯史閏爲正月晉以九月爲十月而置閏也

珠案賈氏閏餘十八之說誤以三統推魯僖二十三年爲人統積年一千又單六乘以章月除以章閏得積月一萬二千四百四十二閏餘十二又以四分術推魯僖二十三年得元餘九百八十七如法乘除得積月一萬二千二百單七閏餘十二凡閏餘十二以上其歲有閏今閏餘適得十二推置閏在何月法當置十二以章閏十九減之得數七是爲減餘乃以減餘七爲二率以每歲中氣十二爲三率而以每歲閏餘七爲一率推得四率爲十二則是年爲閏十二月無所謂閏在十二月後也惟僖二十三年爲閏十二月其明年僖之二十四年三統爲庚寅至朔第五章首四分爲辛卯至朔第十

四部首

四分每四章而歲千三統一日

而魯史閏爲正月晉以九月爲十月

置閏列國歷數之不正賈韋諸君莫能是正每怪杜元凱春秋長麻之悉不合於古法也

有如河水 解如往也

案如往本爾雅釋詁爲義然古人誓詞恆指天日以自明詩曰有如皦日韋以如爲往申之曰不濟此河往而死也似太曲

歲在大梁將集天行元年始受實沈之星也

解在大梁謂魯

僖二十三年歲星在大梁之次也魯僖二十四年歲去大梁在實沈之次自胃七度至畢十一度爲大梁自畢十二度至東井十五度曰實沈

案以四分以後諸術上溯僖二十三年爲甲申二十四年爲乙酉今日大梁則干支爲庚辰實沈則干支爲辛巳蓋三統超辰法也其算例已見前胃宿共十四度昴十一至畢十一共三宿三十度爲大梁畢宿共十六度觜二參九至東井十五共四宿三十一度爲實沈

臣筮之得泰之八

八義見前錢詹事曰六爻皆不變亦以彖辭占如泰之八是也十乘三去射其元王之類不云蓋之八復之八者非周易爻辭

爾射余於屏內 解樹謂之屏禮諸侯內屏

爾雅釋宮屏謂之樹今日樹謂之屏者互文以見義卽爾雅宮謂之室室謂之宮之例也禮緯含文嘉有天子外屏諸侯

內屏之說荀子大略篇同郊特牲臺門而旅樹鄭注引爾雅
爲義孔穎達謂諸侯內屏在路門之內天子外屏在路門之
外而近應門者矣

元年春 解文公元年魯僖二十四年賈侍中云是月閏以三
月爲四月故曰春而不言其月明四月爲春分之月也

瑑案是年至朔同日無閏餘三統術是年爲庚寅至朔置冬
至大餘六加中大餘三十置策小餘一千四百單六三之加
中小餘二千有二十得大餘三十七小餘一千六百二十一
知大寒在辛酉日也二日又以中小小餘轉加大餘滿六十
去之小餘滿元法從大餘得大餘七小餘三千六百四十一
知啟蟄在辛卯也三日以中小小餘轉加得大餘三十八小

餘一十有四十四知春分在壬戌日也四月五日賈以四月爲春
分之月置閏尙在春分前杜氏長歷推是年閏四月庚寅朔
則又于春分後置閏矣

戚施不可使仰 解戚施瘁者

說文作𧈧𧈧詹諸也詩曰得此𧈧𧈧今詩作戚施聲之轉也
太平御覽引韓詩云得此戚施薛君云戚施蟾蜍喻醜惡也
說文又云𧈧𧈧詹諸也其鳴詹諸其皮𧈧𧈧其行先先聾
卽戚施也故不能仰爾雅曰𧈧𧈧蟾諸

益陽蔡芳初校

南海羅崇齡覆校

國語翼解卷四終

番禺陶福祥再覆校